

事物紀原集類卷第四

凡五部共一百六十七事

經籍藝文部第十七凡四十四事

鄉貢進士閻敬校正

文字



淮南子曰蒼頡之初作書以辨治百官領理萬事愚者得以  
 不忘智者得以志遠又曰昔者蒼頡作書而天雨粟又曰見  
 鳥跡而知著書呂氏春秋曰蒼頡作書注云蒼頡生而知書  
 寫倣鳥跡以造文字黃帝內傳曰帝煞蚩尤因命蒼頡造文  
 字以變質帝王世紀曰蒼頡取像鳥跡始作文字李瀚蒙求  
 曰蒼頡黃帝下臣觀鳥跡以作文字鬼夜哭龍潛藏晉衛恒  
 曰昔在黃帝創製造物隋沮誦蒼頡始作書蓋觀鳥跡以興  
 思世本亦曰沮誦蒼頡造書宋衷云皆黃帝史也字源曰太

吳時始有文字或云篆黃帝變古爲文字又曰庖犧氏獲景龍作龍書炎帝因嘉禾作穗書蒼頡變古文寫鳥跡作鳥跡篆少昊作鸞鳳書取似古文高陽作科斗書堯因軒轅龜圖作龜書夏后氏作形似篆商務光作倒薤篆今日薤葉周瑞赤雀丹鳥作鳥書又媒氏作填書今日勒字書斷曰古文黃帝史蒼頡作大篆周宣王史史籀作小篆秦丞相李斯作八分秦羽人上谷王次仲作隸書秦獄吏下邳程邈作飛帛漢左中郎將蔡邕作草漢黃門令史史游作行書後漢潁川劉德升作草書王右軍云其先出杜氏名伯度趙壹云與於秦末或云漢時杜伯度殺草所作曰章帝所好名草草帝誕謂之草聖漢興有之不知誰作書斷謂如淳之作起草爲藁草書蓋起于此一說李斯又作刻符書雲頭鳥脚斯及趙高俱善之

章帝時曹喜作垂露懸針二體晉王羲之作龍爪篆山胤作花篆魏鍾繇作正書散隸漢蔡邕見門吏帛飛回成字故名飛帛劉公嘉話曰飛帛始於蔡邕在鴻都學見匠人施聖帝遂病意焉唐會要曰正觀十八年五月太宗爲飛帛書作鸞鳳蝶龍等字蓋自是始改舊體又李陽冰論篆云秦始皇時王次仲作八分蕭子良云漢靈帝時人與秦人同姓名鍾繇謂之章程繇善隸書始爲楷法鶴頭偃波二書繇又善八分有隼尾行書亦繇作謂之行押或曰秦程邈變篆作隸李瀚云邈字元岑始皇用爲獄吏得罪雲陽獄中幽囚十年改篆爲隸今楷字是也酈道元水經曰臨淄有人發古塚棺前隱起爲隸字言齊太公六代孫胡公之棺唯三字是古餘同今字元則謂證知隸字出於古非始於秦也其餘諸家體法更

有百餘種各記所作見太平御覽也孟詵錦帶前書載周處云小篆秦徐邈造刻符扶風曹喜造籀謬書周柱下史所造圖書

易曰河出圖洛出書聖人則之張晏曰庖犧氏將興神龍負圖而至帝王世紀曰黃帝游於洛水上見大魚熬五柱祭之雨七日夜魚流始得圖書春緯云河以通乾出天苞洛以流坤出地符河龍圖發洛龜書發孔安國以爲河圖八卦是也洛書九疇是也

書契

尚書序曰古者伏犧氏之王天下也始畫八卦造書契以代結繩之政帝王世紀曰伏犧氏仰觀象於天俯察法於地觀鳥獸之文與地之宜近取諸身遠取諸物於是造書契

五經

太昊始畫八卦則易之始也又有網罟之歌則詩之始也伏犧神農黃帝之書謂之三墳則書之始也易始八卦而文王六十四故謂之周易蓋夏曰連山商曰歸藏周曰周易故也濟南伏生以其上古之書故曰尚書毛公傳詩以名家而鄭康成箋之故曰毛詩然則五經或因或作而成於仲尼秦焚六籍班班僅存書亡其半詩亡者六篇春秋偶完而禮樂之書無復遺文易以下筮故得全今禮記又雜出於漢儒如月令之出於呂不韋蔡邕王肅則以爲周公作漢文帝令諸儒博士作王制子思作中庸劉瓛云公孫尼子作緇衣而樂記一篇司馬遷以爲公孫洪所記者以爲樂書在八書之一它皆錯雜出自漢世也

四部

今崇文所錄書具經史子集為甲乙丙丁四部者蓋始於晉李充按晉書李充傳充為著作郎時典籍混雜充以類相從分為四部此蓋其始也續事始曰魏武置四庫圖書分甲乙丙丁為部目藏之錄云晉祕書監荀勗因魏中經更以四部別之惠懷之亂及李充始加刪正荀勗四部之法愆以甲乙為次也

巾箱

南史齊衡陽王鈞嘗親手細書五經部為一卷置巾箱中侍讀賀玠曰殿下家有墳素復何細書別藏巾箱鈞曰巾箱中檢閱既易且更手寫則永不忘矣諸王聞之爭效為巾箱今謂籍之細書小木者為巾箱始於此也

石經

漢靈帝詔諸儒校定五經鐫石以刊其文命蔡邕等書為古篆隸三體立於太學門謂之石經

印板

筆談曰板印書籍唐人高本盛為之自馮道始印五經之後典籍皆為板本即唐始為板印矣五代會要曰後唐長興三年二月中書門下奏請依石經文字刻九經印板也

八卦

易繫辭曰兩儀生四象四象生八卦又曰庖犧氏之王天下也始作八卦以通神明之德以類萬物之情孔安國序尚書曰伏犧始畫八卦史記太史公自叙曰伏犧至純厚作易八卦董巴議曰昔伏犧始造八卦作三畫以象二十四氣禮緯

含文嘉曰伏犧德合上下天應以鳥獸文章地應以河圖洛  
書伏犧則而象之始作八卦王弼年拾遺記曰伏犧坐於方  
壇之上聽八風之氣乃畫八卦

六十四

帝王世紀曰炎帝重八卦之數究八八之體為六十四卦史  
記周本紀曰西伯囚美里蓋益易之八卦為六十四揚子法  
言易始八卦而文王六十四孔頴達周易正義曰重卦之人  
王弼以為伏犧鄭玄以為神農孫盛以為夏禹史遷以為文  
王說卦云昔者聖人之作易也幽贊於神明而生著謂伏犧  
也又繫辭之論用著云四營而成易十有八變而成卦明用  
著在六爻之後非三畫之時太昊始有著筮則伏犧重卦明  
矣頴達以謂王弼以伏犧既畫八卦即自重為六十四卦為

得深南子亦曰八卦可以識吉凶知禍福矣而伏犧為之六  
十四變不然周官太卜三易二曰歸藏杜子春以為黃帝書  
而其卦六十四爻得與周同也

錄文

繫辭曰易之興也當商之末世周之盛德耶當文王與紂之  
事耶司馬遷曰文王囚而演易揚子法言曰文王重易六爻  
漢書楊雄傳曰文王附六爻藝文志曰文王重易六爻作上  
下篇繫辭之六十四曰王用享于岐山謂文王也文王之追王  
在克商之後周夷之六五曰箕子之明夷箕子之囚在觀兵  
之時二者非文王所及也乾鑿度曰垂皇者犧卦道演德者  
文通卦驗曰蒼牙通靈昌之威蓋言卦絲辭文王作也春秋  
左氏傳曰韓宣子適曾見易象云吾乃知周公之德蓋言卦

及歸周公作也易更三聖不言周公穎達謂父統子業故也

十翼  
漢書藝文志重易作上下篇孔氏爲之彖象繫辭序卦之屬  
凡十篇孔穎達周易正義曰彖象十翼以爲孔子所作謂上  
象一下象二上象三下象四上繫五下繫六文言七說卦八  
序卦九雜卦十也

二禮

通典曰周公攝政六年致太平述文武之德制周官及嚴禮  
孔子時已不能具春秋天下收儀禮歸之咸陽故得不亡也  
春秋

莊預春秋序曰春秋者魯史記之名也孟子曰晉謂之乘楚  
謂之檮杌而魯謂之春秋事始據此云起自周公且尚書序

亦曰孔子約史記而修春秋

論語

孔子沒七十子之傳會集夫子之言以爲論語蓋其書成於  
曾參有若故其文每至二子所記多曰曾子有子它則皆字  
也唐柳宗元亦謂成於曾子子思之徒宋朝翰林鄭學士獮  
亦謂論語成於曾子不然曾子弟子所記也

孝經

史記仲尼弟子傳曰曾參字子與孔子以爲能通孝道故授  
之業作孝經蓋孝經以曾子故作也

爾雅

郭璞爾雅序曰興於中古隆於漢代豹鼠既辨其業亦富大  
抵解詁詩人之旨或曰周公作以其文考之如瑟兮僖兮衛

武公之詩也猗嗟名方齊人刺魯莊公也而文皆及之則周公安得述也承謂當是出於孔子刪詩書之後尔西京雜記曰郭偉謂尔雅有張仲孝友張仲宣王時人則非周公之制明矣劉子駿以問揚子雲曰孔子門徒游夏之傳所記以所詰六藝者也劉向以爲外戚傳稱史佚教其子以尔雅小學又記言孔子教魯哀公學尔雅尔雅之出遠矣舊傳學者皆云周公所記也張仲孝友之類後人所足耳

御製

家語舜作南風之詩此則御製之始也

子

文心雕龍曰鸞熊作書題曰鸞熊子蓋周初人此名子之始也

史

呂氏春秋曰蒼頡造史帝王世紀曰黃帝特造史蒼頡始作文字史官之作蓋自此始記其言行策而藏之則史之原起于黃帝

實錄

三代之王有左右史記其言動漢武有禁中起居明帝有起居注而無名實錄者唐藝文志所載實錄自周興嗣梁皇帝實錄爲始則其事自茲以爲始也

著書

史記太史公自叙曰昔西伯拘於羑里演周易則著書之始也

類事

證古類事其始本出於梁沈約之徒屬錄此事往往成編故

唐白居易效之為六帖

山海經

其文所記皆山川草木鳥獸之奇疑禹治水所過所見而識之莊子所謂齊諧者志怪也禹知而名之益見而記之當是此也其書盛行於漢氏自劉向辨說百之苑始也

音韻

筆談曰音韻之學自沈約為四聲及天竺梵學入中國其學漸密也

切字

又曰切字本出於西域漢人訓字止曰讀如某字未用反切然古語已有二聲合為一字如不可為巨如是為亦而已為耳之乎為諸之類以西國二合音蓋切字之原也如頁字從

而亦切音始與聲俱生莫知從來也

切韻

陸法言切韻序曰隋開皇初劉臻等八人論法言論及音韻法言記之後取諸家字書所記定為切韻五卷其書成於仁壽元年唐天寶十三載孫愐增修目曰唐韻

押韻

張孟押韻後序曰押韻肇自顏魯公迄于聖宋蓋孟在天聖中准宋韻重編集也

玉篇

梁大周九年三月顏野王撰也唐上元元年甲戌九月孫強又增加字云

詩



樂書曰伏羲之樂曰立基神農之樂曰下謀夫樂必有章樂章之謂詩始於太昊之世

五言

李翰蒙求曰李陵初詩始變其體作五言格也其始亦本於詩此此彼有屋款款方有穀之類六帖曰谷永始作六言亦詩公尸來燕來寧之類也

七言

劉義慶世說曰王子猷詣謝公云詩何七言子猷曰昂昂若千里之駒泛泛若水中之鳧此語出離騷東方朔傳曰漢武在柏梁臺上使群臣作七言七言之作始起于此也

格

本事詩載李白調詩云梁陳以來艷藻斯極沈休文又尚以

聲律唐宋之間傳曰建安江左詩律屢變至沈約庾信以音律相婉附屬對精密及之問沈佺期又回忌聲病約句準篇則律格之始原于約信而成於沈宋也

聯句

自漢武爲柏梁詩使群臣作七言始有聯句體梁何遜集多有其格唐文士爲之者亦衆凡聯一句或二句亦有對一句出一句者五字之歌有其一其二之文則又聯句之體也其事見于夏書五子之歌始於漢武柏梁之作而成于何遜也

唱和

帝舜與皋陶乃賡載歌則唱和之初也亦本於詩之箴兮倡予和女之義其事新見於齊梁時顏延年謝元暉始之也

次韻

顏延年謝元暉作詩相倡和皆不次韻至唐元稹作春深二十首並用家花車斜四字爲韻白居易劉禹錫和之亦用其韻及今孤楚和詩多次其韻宋朝真宗時楊內翰億謂次韻于此也見談苑

### 賦

詩序六義次二曰賦當謂直陳其事尔左傳言鄭莊公入而賦大隧之中於後荀卿宋玉之徒演爲別體因謂之賦故昔人謂賦者古詩之流以荀宋爲始漢書曰不歌而頌曰賦釋名曰敷布其義曰賦

### 論

文心曰昔仲尼微言門人追記目爲論語蓋群論立名始於茲矣莊周之書有嘗試論之荀卿有正論賈誼有過秦論論

### 策

以荀賈爲始

事始云起自漢武帝策董仲舒始以其文曰興自朕躬故也按前漢書有鼂錯賢良策蓋文帝策之曰興自朕躬則策始於漢文帝之策鼂錯也

### 議

管子曰軒轅有明堂之議此蓋疑爲議之始也

### 讚

文心曰昔虞舜重贊及益贊于禹伊陟贊于巫咸並揚言以明事嗟嘆以助辭故漢置鴻臚唱拜爲贊如相如之贊荆軻班固之褒貶以讚皆取益贊于禹之義要之自司馬相如贊荆軻始

頌

詩序六義其六曰頌蓋頌者美盛德之形容以其成功告于神明者也詩有商周魯三頌文心曰首帝信之世成累為頌以歌九招則頌起于帝信也

箴

文心曰軒轅興几以弼不逮即為箴又曰斯文之興盛於三代夏商二箴餘句尚存及周辛甲百官箴闕虞人之箴體義備焉

連珠

傳玄曰連珠興於漢章帝班固賈逵傳毅皆受詔作之體則假喻達旨賢者微悟欲使歷歷如貫珠易觀而可悅故曰連珠梁沈約云連珠之作始自揚子雲歐陽詢作藝文類中亦

爵

有揚子雲連珠則為斯文之興不自漢章明矣  
官爵封建部第十八凡二十八事

公侯伯子男謂之爵唐虞輯五瑞修五玉是五等自堯舜始也禮含文嘉曰殷爵三等周五等或謂黃帝立五等也  
封建

公華曰黃帝分州畫野得百里之國萬區唐虞列為五等此封建之始也帝王世紀曰炎帝之世有諸侯風沙氏史記曰神農氏世衰諸侯相侵則炎帝時已有諸侯至黃帝始大封也陸士衡五等諸侯論略曰五等之制始於黃唐謂黃帝唐堯也

實封

通典曰唐封公侯無國土其加實封者則食其所封之戶分食諸郡以租庸調給訟革曰魏黃初間爵自關內侯不食邑但虛封而已故唐因之加實封宋朝會要曰唐制食實封者戶給縑帛每賜爵遞加一級唐末及五代始有特加邑戶而罷實封之給今位爲虛名也

戶封

晉書地理志曰古者有分土無分民若乃以戶口爲差降略封疆之遠近所謂分民自漢始也蓋漢艾亡秦大侯不過萬家小者五六百戶則封國之以戶漢其始也

諸侯

帝王世紀曰女媧未有諸侯有共工氏任智刑以強伯而不王炎帝世乃有諸侯風沙氏叛炎帝修德風沙之民自攻其

君則建侯分土自炎帝始也

諸王

古者天子稱王周失其道春秋之時其楚之君始僭稱之楚世家曰周夷王時楚熊渠曰我蠻夷也乃立長子康爲句亶王紅爲鄂王執疵爲越章王厲王暴虐復去之至於熊通始僭號是爲楚武王此諸侯號王之始也七雄爭強亦各稱之秦至惠王始稱之四年齊魏爲王十三年韓亦爲王秦并天下號皇帝除王之名漢滅楚始謂之諸侯王蓋諸侯封王自楚漢之際也

郡王

事始云後魏始封功臣爲郡王以爲王封郡之始按晉書宗室傳太康九年益封子邁爲隋郡王則其事自晉始矣然唐

姓功臣之封而稱某郡王當自元魏始也

國公

事始曰隋文帝始封功臣為國公

郡公

後漢光武建武十三年以土無二王爵不過公於是以太原王章為齊公魯王興為魯公功臣悉為公晉始曰開國郡公也

開國

由二代至漢魏諸侯無以國為號第曰某侯耳晉令始有開國之稱故五等皆郡縣開國陳亦有開國郡公縣侯伯子男侯已降無郡封由唐迄今因而不改蓋開國之號自晉始也

官

漢書論曰太昊之世設九扈之官後有龍瑞則以龍為官亦謂之龍子之官也蓋設官之初原於伏羲氏也至唐虞夏商周皆稱百官焉

守

漢書守令守郡尉以秩未當得而越授之故曰守猶今權也

則官之有守自漢始也宋朝神宗改官制始正其名故有行

試守三等通典曰試未正命也階高官卑稱行階卑官高稱

守

試官

職林曰唐武后天授二年凡舉人無賢不肖咸加擢拜大置試官則官之有試自唐始也謂之試取尚書明試以功之意唐會要曰天授二年二月十五日十道使舉人王山輝並授

試官試官自此始也又曰檢校試官皆神龍已後有之  
檢校

唐書高祖紀武德六年四月癸酉楊恭仁檢校梁州諸軍事  
疑檢校之官自此始也至太宗紀正觀中又有杜淹檢校吏  
部尚書杜如晦檢校侍中唐會要曰檢校官神龍後有之非  
也譚賓錄曰唐陳少遊檢校職方員外郎元迴統使云郎官  
之有檢校自此始也

知判

職林曰唐中宗神龍二年既置員外官同正員又有檢校試  
攝知判等官知者云知者官判者亦判者官判者皆循用之  
府寺監省州縣城寨各以官知判者唐中宗始也  
流內

通典曰隋制九品白太師始焉謂之

流外

又曰凡府寺胥吏守局既久積月累勞故得蒞於下品文中  
子曰吏而登位非古也推此疑周隋之制唐有流外勳品自  
諸錄事及五省令史始焉謂之流外自此始也  
功臣

筆談曰賜功臣號始於唐德宗奉天之役自後藩鎮下至從  
軍資深者例賜之本朝唯以賜將相熙寧中因上尊號上不  
允曰正如卿等功臣何補名實時吳充為相請止從之自是  
罷不賜按今宿衛諸班直自押班而下各有兩字功臣則宋  
朝不獨以賜將相也會要曰興國元年正月一日赦文諸軍

諸使諸道應奉天及進收京城將士等並賜名奉天定難功臣唐兵志曰德宗幸梁神策兵有勞皆號興元元年從奉天定難功臣又曰代宗即位以射生軍清難賜名寶應功臣此蓋其始矣筆談誤也

### 勲品

公革曰勲品自齊梁有之今柱國而下是也周禮王功曰勲蓋取諸此舊唐書百官志曰勲官出於周齊交戰之際本以酬戰士其後漸及朝流也

### 品秩

自太昊以龍紀官唐虞建官惟百未分品秩周官以九儀正邦國自一命至九命漢自中二千石止二百石皆有北魏文帝延康元年陳群立九品官人之法後魏文有從品孝武自

四品已下每品爲階北齊九品各分正從則品秩之原肇於魏陳群也

### 世廕

尚書大禹謨皋陶稱舜之德曰賞延于世則世廕之始蓋起於有虞氏也

### 章服

唐車服志曰高祖初入長安罷隋竹使符珽銀莞符後改銅魚貴賤應召命隨身盛以袋三品已上飾以金五品已上飾以銀開元時中書令張嘉正奏致仕官佩魚終身自是賞緋紫者必以魚謂之章服

### 服色

隋禮儀志曰大業元年煬帝詔牛洪宇文愷等創造章服差

等五品已上通着紫袍六品已下兼用緋祿胥吏以青服人  
以白屠商以皂士卒以黃二儀實錄曰隋煬帝詔牛洪等衣  
冠皆有等差三四品通着紫五品朱六品已下綠官吏青庶  
人白商皂服色之分疑自此始而唐書馬周傳云品官舊止  
黃紫周於是建白三品服紫四五品朱六七品綠八九品青  
則又其別爲自馬周始矣筆談曰中國衣冠自此齊全用胡  
服窄袖緋綠此蓋其始也

堂除

續事始曰舊制內外皆吏部授自隋以來五品以上官中書  
門下訪擇聞奏然後下制肅宗復令中書以功除官今謂堂  
除也

考績

起于虞舜三載考績之文故今官以考定勞一歲爲考四考  
而遷謂磨勘也

循資

唐選舉志開元十八年裴光庭始作循資格而賢愚一槩必  
與格合乃得銓授限年躡級不得踰越于今以爲制也  
致仕

尚書咸有一德曰伊尹既復政厥辟告歸疏云告老致政事  
于君此臣下致仕之初也至周乃有大夫七十致仕之禮其  
事自伊尹始

折俸

宋朝會要曰唐正元四年定百官月俸僖昭之亂國用窄闕  
天祐中止給其半後唐同光初孔謙以軍儲不充百官俸錢



數多而折之非實請減半數而支實錢是後所支半實俸復從虛折宋朝約後唐所定其非兼職者皆一分實錢二分折支景德罷兵之後始詔俸當給他物者京師每一千給實錢六百在外四百則今折俸之始也祥符五年十一月詔又定加文武官月俸

勳階寄祿部第十九 凡三十事

開府

漢文帝元年用宋昌為衛將軍位亞三司後漢章帝建初三年使車騎將軍馬防班同三司同三司自此始也殤帝延平元年鄧騭為車騎將軍儀同三司儀同之號自此始也魏黃權以車騎將軍開府儀同三司蓋漢制唯三公開府至魏以餘官其儀同三公故以為號由此歷代以名官唐武德七年

以為散官

特進

漢氏諸侯有功德優盛朝廷所敬異者賜位特進在三公下隋文帝以為散官

金紫

魏晉以來有左右光祿及光祿大夫皆銀印青綬重者詔加金章紫綬因稱金紫光祿大夫後周以為散官

銀青

漢有光祿大夫皆銀印青綬魏晉之代亦有金紫之別故號銀青光祿大夫後周時為散官

光祿

秦置光祿勳屬官有中大夫漢武太初元年更名光祿大夫

歷代不改後周始以為散官

正議

隋置正議大夫為散官取秦大夫掌議論之義宋朝會要曰太平興國元年詔改為正奉神宗正官名復曰正議

通議

亦隋所置散官其命名之義同正議宋朝太宗太平興國元年始詔改為通奉神宗復曰通議

太中

秦官也掌議論而劉向說苑有晉太中屠餘見晉平公之驕則晉亦有其官矣當是晚周列國之官秦以太中為大夫也

中大

中大夫亦秦置為光祿勳屬官前漢文紀後元五年有中大夫

中散

夫令免漢書載趙中大夫白公引涇為渠

朝議

王莽所置官也或云漢有中散大夫

隋置散官取諸大夫以上得奉朝議以為名

朝請

通典曰漢竇嬰為朝請竇太后憎嬰門籍不得入朝請此其始也漢律諸侯春朝天子曰朝秋曰請又曰奉朝請無負本不為官漢東京罷省三公外戚皇室諸侯多奉朝請奉朝請者奉朝會請召而已隋開皇中罷奉朝請置朝請大夫為散官取漢公卿年高德重者以列侯奉朝請之義也

朝散

亦隋所置為散官也

朝奉

宋朝會要曰太平興國元年詔改唐朝議大夫為朝奉大夫

朝請郎

通典曰朝請郎亦隋官蓋採晉宋齊梁奉朝請之名也

朝散郎

亦隋散官也

朝奉郎

宋朝太平興國初改唐朝議郎為朝奉郎

承議

通典曰隋所置舊唐書百官志曰唐武德七年改隋文騎尉為承議郎

承議

隋書百官志曰正觀十一年定今惟改通議郎為承議郎通典作承議郎神宗正官制亦曰承議

通直

通典曰隋所置蓋採晉宋以來諸官皆有通直之名官品高下通為宿直也舊唐志曰武德七年改隋文騎尉為通直郎

宣德

亦隋置散官也

宣義

唐改隋游騎尉為宣義郎取梁宣義將軍之名

承事

漢昭帝時任官為丞相從事捕斬上官桀廷云從事丞相屬

官隋置做事郎蓋取諸此宋朝避仁宗嫌名改曰承事水國朝會要曰乾興元年詔改也

承奉

隋置也隋文帝置唐因之宋朝元豐新制改太常寺太祝奉禮部為承奉郎

承務

唐置因隋尚書省二十四司承務郎之名也古二十五階宋朝元豐中神宗改正官制所定以為寄祿格元祐初各分左右給聖二年復舊也

二柱國

楚寵官也懷王使柱國昭陽攻齊陳軫問曰楚國何貴昭陽曰上柱國是也後魏孝莊始立柱國大將軍後將軍官廢有

八柱國後周建德四年又增置上柱國大將軍隋置上柱國

柱國以酬勲勞實不理事故唐以為勲官

二護軍

秦有護軍都尉漢以陳平為護軍中尉盡統諸將歷代為將領之任舊唐書志曰武德七年定令改秦齊王下統軍為護軍副為副護軍蓋未為勲官也又有上大將軍大將軍正觀十一年改上大將軍為上護軍大將軍為護軍也按漢百官表護軍都尉哀帝更為司寇平帝元始元年更為護軍也

二輕車

漢武帝初置輕車將軍始以公孫賀為之又有輕車校尉唐採其名置上輕車都尉及輕車都尉舊唐志曰武德七年改上開府儀同三司為上輕車都尉開府儀同三司為輕車都

二尉

漢武帝元鼎二年置騎都尉初以李陵為之唐孫故事置上騎都尉與騎都尉舊唐志曰武德定令改隋儀同三司曰騎都尉

四尉

謂號飛雲武四騎尉也並隋置為文散官舊唐書百官志曰武德定令改隋上大都督為號騎尉大都督為飛騎尉師部督為雲騎尉都督為武騎尉也右十二轉唐以為勳官宋朝曰之

師保輔相部第二十九凡二十九事

二師

尚書曰官曰乃立太師太傅太保茲惟三公晉以為上魏始號三師

太師

虞官商時箕子為之漢官儀曰紂時胥餘為之或云胥餘箕子字也書微子作誥父師少師是也史記曰周成王為太子以太公望為太師續事始曰史記周文王得呂尚于磻溪以為師謂之太師

太傅

周官或曰古官通典曰成王時畢公為之大戴禮曰周公始為之

太保

虞官杜佑云商太甲時伊尹為之文王世子曰虞有師保是

三公也

周始有三公坐而論道後漢始以大尉司徒司空爲三公或曰在莽時

太尉

秦官河圖錄運法曰堯坐舟中與太尉舜觀鳳鳳應劭以爲周官皆非也按禮記月令曰孟夏太尉贊備傑月令本出于呂不韋不韋秦相故知其秦官耳漢百官表曰太尉秦官掌武事者

司徒

古官也管子曰黃帝得祝融南方使爲司徒少昊以祝鳩氏爲司徒辨之命契曰汝作司徒敬敷五教在寬

司空

亦古官管子曰黃帝得奢龍辨于東方使爲士師即司空也少昊鳩氏爲司空舜典曰伯禹作司空

三台

傅子曰黃帝以風后配上台后土配中台五聖配下台故後世由此以三公爲三台

將相

軒轅本紀曰帝舉風后爲相力牧爲將此蓋將相之始也管子曰黃帝得六相而天下治虞舜舉元愷而謂之十六相

重事

唐會要曰神龍元年五月制盧欽望加平章軍國重事是也景雲三年七月詔竇懷正軍國重事宜共平章又大和四年

六月制以裴度爲司徒平章軍國重事是時度勲望高以疾  
上相印又惜之故有此詔唐書裴度傳曰文宗大和四年加  
度司徒平章軍國重事則是此名自唐中宗命盧欽望始也  
宋朝元祐初今上新即位以文潞公始爲之用前志也  
平章

唐有中書門下平章事爲宰相之任蓋行丞相事之類漢韓  
安國爲御史大夫行丞相事後漢周澤行司徒事是也唐百  
官志曰李靖以疾辭位詔三兩日一至中書門下平章政事  
名官自此始也會要曰正觀八年十一月也又正觀十七年  
六月高士廉同中書門下平章政事高宗永淳四年四月郭  
待舉等並同中書門下同承受進止平章事上謂參知政事  
崔知溫曰待舉歷任尚淺且今預聞政事未可與卿同受名

稱自此四品已下知政事者以平章事爲名唐志以爲永淳  
元年也  
參政

唐宰相有參知政事宋朝以爲執政官唐會要曰武德元年  
六月裴寂知政事正觀元年九月杜淹參議朝政三年二月  
魏徵參預朝政十三年劉洎始爲參知政事唐太宗本紀云  
十一月戊辰也蓋其命官自劉洎始云宋朝會要曰乾德二  
年四月以薛居正呂餘慶參知政事先是已命趙普爲相將  
用居正等爲副太祖召陶穀問下丞相一等有何官對曰唐  
有參知政事故以命之蓋帝意未欲令居正等名位與普齊  
也錢若水曰按唐故事劉洎爲參知政事宰相任也高宗用  
郭待舉謂崔知溫曰待舉歷任尚淺未可與卿等同名稱遂

令同平章事以此言之平章事亞參知政事矣殺不能遠引  
漢御史大夫亞丞相故事失之也神宗元豐中行官制除之  
左右相

通典曰成湯初置二相以伊尹仲虺爲之伊尹號阿衡仲虺  
爲左相是也又武丁得傳說爰立作相王置諸其左右書亦  
稱召公爲保周公爲師相成王爲左右故秦悼武王置左右  
相漢高后亦置二相自此以後多非尋常人臣之職唐龍朔  
元年改侍中爲左相中書令爲右相武后又改尚書僕射爲  
文昌左右相開元元年又爲左右丞相天寶元年復爲僕射  
又以侍中中書令爲左右相至德初復舊故今亦以左右丞  
相呼二揆者此其始矣

宰相

昔周公位冢宰正百工以相成王故有宰相之稱其事自秦  
漢始陳平言宰相上佐天子是也通典曰春秋之義尊上公  
謂之宰言海內無系統也故亦謂上相陸賈謂陳平曰足下  
位爲上相是也

丞相

史記秦本紀悼武王二年初置丞相蓋三代三公之任也今  
得中令僕射皆其職尔故今亦以爲稱應劭曰丞者承也相  
助也商鞅書定分篇云秦孝公問法令于鞅鞅有丞相置一  
法官之語則爲其名也已見于孝公時非悼武王始特置之  
也大抵秦所延官云

相國

亦秦置官始皇帝立尊呂不韋爲相國漢初蕭何亦爲之今



人以呼宰相也

使相

唐睿宗景雲元年始置節度使首以賀拔延嗣領河西至開元中朔方節度牛仙客同中書門下三品節度如故此蓋使相之始也肅宗時郭元振李光弼號使相也

相銜

唐百官志叙曰永淳元年郭待舉岑長倩同平章事始以入銜後循之以為故事

當筆

通典曰肅宗至德二年三月宰相分直政事筆人知十日德宗正元五年五月八日又分日一人執筆迄今為故事曰當筆

中堂

唐制宰相常于門下省議事謂之政事堂永淳中中書令裴炎移在中書省開元十一年張說奏改曰中書門下宋朝行官制除其名也

監國史

唐百官志曰正觀以後多以宰相監修國史遂成故事也

樞密

西晉恭始中王景文為中書令兼管內樞密此其名之始也君臣政要曰唐代宗永泰中勅中書董廷秀管樞密因置內樞密使後唐莊宗始用郭崇韜分中書兵房置樞密院與宰相分秉朝政自此始用士人凡文事出中書武事出樞密謂之二府宋朝會要曰開寶九年二月以曹彬為樞密使領忠

武軍節度樞密帶節度自此始也太平興國六年九月以石  
熙載為戶部尚書充樞密使文資正官充使自此始也

樞相

宋朝會要曰唐以中官為樞密使後唐始有帶相印者則樞  
相之始自後唐也又至道三年八月以曹彬為兼侍中充使  
大中祥符五年九月以吏部尚書王欽若戶部尚書陳堯叟  
並守本官同平章事充使儒臣為樞密而兼使相自欽若始

也

知樞

宋朝會要曰周顯德六年宰相范質王溥並叅知樞密院事  
又淳化二年九月以副使宣徽北院使張士遜知樞密院事  
知院之名自此始也

樞副

五代會要曰梁開平元年五月改樞密院為崇政院始命叅  
知院使仍置判官一人自後不置判官置副使一人後唐  
同光元年十月依舊為樞密亦為樞密副使宋朝會要曰建  
隆元年八月以趙普為樞密副使周末麟副使至是始置

知樞

朝會要曰淳化二年九月樞密使王顯出鎮以副使温仲  
舒寇準同知院事同知之名自此始也神宗元豐中正官名  
不置使但以寄祿官一人知院事一人同知為副而已

簽樞

又宋朝會要曰太平興國四年正月以石熙載為樞密直學  
士簽署樞密院事簽書之名自此始也治平中避英宗嫌名

改曰簽書

宣徽

唐書裴度傳有宣徽五坊小使則宣徽官名已見于元和之時矣唐末洎五代又有南北兩院使晉天福四年以樞密副使張從恩為宣徽使權罷樞密故也蓋唐官云宋朝會要曰唐置宣徽南北院使有副使後唐省副使開寶九年以潘美依前山南東道節度充宣徽北院使節度之領宣徽自茲始也按北史后妃傳叙北齊文宣河清中下嬪有宣徽為婦官

之名也 事物紀原卷第九 凡二明 卷十四 事 法從清地部第二十一 凡三十六 事

大學士

唐書李泌加集賢殿大學士泌言學士加大始中宗時張說

為之按說得玄宗欲授說大學士辭曰學士本無大稱中宗崇寵大臣乃有之唐百官志曰景龍二年置也蓋其名自中宗時始今惟觀文資政諸明有之

學士

漢孔安國序尚書言秦焚書坑儒天下學士逃難解散蓋以斥承學之士亦晉陶淵明集有學士祖企謝景夷而晉志不言其官然前亦未聞南史宋謝超宗傳曰齊受禪高帝令撰郊廟歌有提明學士劉融等陳有德教殿學士北齊有文林館學士後周亦有麟趾殿學士當是其稱始自漢晉而命官起于宋齊也唐初有東宮王府等學士齊王元吉亦有文學館學士此後集賢昭文崇賢翰林等雜置不一迄開朝皆為侍從之臣正觀初開文學館以房玄齡等十八人為學士

直學士

職林曰唐憲宗朝裴均奏集賢御書院請五品已上爲學士六品已下爲直學士非登朝者爲校理按唐書百官志儀鳳中弘文置詳正學士又曰武德後五品已上曰學士六品已上曰直學士然則唐祖有國之初始有此官

觀文

歐公歸田錄曰唐至五代相承有文明殿大學士爲宰相兼職又有學士爲諸學士之首後以文明真宗謚也更曰紫宸議者又以紫宸非人臣宜稱遂更曰觀文

資政

又曰王欽若罷參政真宗特置資政殿學士以寵之時寇準在中書定其官在翰林下欽若訴于上曰臣自學士拜參政

今無罪而罷班反在下是貶也帝爲特置大學士班在翰林之上國朝會要曰景德二年四月以參政王欽若爲資政殿學士先是欽若求罷繼以面請故特置是職十二月又以爲大學士

翰林

唐太宗時名儒時時召以草制侍詔常于北門候進止號北門學士明皇改曰翰林待詔已而改爲供奉開元二十六年乃爲翰林學士此蓋其始也職林云至德後天子召集賢學士于禁中草書詔因在翰林待進止遂以爲名

承旨

職林曰至德以後翰林置學士六人內年深德重者一人爲承旨所以獨承密命故也此疑承旨之始也而唐百官志曰

元和中翰林學士以院長一人別承勅旨或密受顧命為學士承旨職林又謂德宗正元已後承旨多至宰相疑唐志為誤

### 內翰

唐百官志曰開元二十六年改翰林供奉為學士別置學士院其後選用益重號為內相又陸贄傳贄入翰林雖外有宰相主大議而贄常居中參裁可否時號內相則是其稱自陸贄始也由此今亦呼翰林學士為內相亦曰內翰

### 勅設

筆談曰京師百官上日惟翰林學士勅設用梁雖宰相無此禮優伶並開封府點集陳繹除學士時繹知府遂不用女優學士院勅設之不用女優自繹始也其事在熙寧中

### 端明

職林曰五代唐明宗初置端明殿學士如三館之例初入洛謂安重誨曰先帝時馮道何在曰近除翰林學士帝曰此人朕素諳委俄拜端明宋朝會要曰後唐明宗不知書每四方章奏令安重誨讀之多不曉文義宰相孔循獻議置端明殿學士二員在翰林之上以馮道為之太平興國中緣殿名改文明仁宗明道初改承明殿為端明殿明置端明殿學士又云明道二年八月詔特置端明殿學士始以宋綬充之也

### 二侍

通典曰開元中馬懷素等侍讀禁中十三年集賢院置侍讀學士其後康子元為侍講學士宋朝真宗始置此二職于翰林蓋自楊徽之邢昺始也宋朝會要曰咸平二年七月以楊

徽之夏侯嶠並爲翰林侍讀學士邢昺爲翰林侍講學士景德四年八月以翰林侍講學士邢昺知曹州此又侍講學士之外使自昺始也天禧二年十二月以叅政張知白爲翰林侍讀學士知天雄軍此又侍讀之外使自知白始也唐宋申錫敬宗寶曆二年充翰林侍講學士文宗時鄭覃亦爲之

### 龍圖

宋朝會要曰大中祥符三年七月以杜鎬充龍圖閣學士在樞直之上此其置官之始也又曰六年九月詔龍圖閣學士直學士結銜在本官之上初杜鎬之爲是職職在官下至是陳堯咨上言故更之此結銜在上之始也

### 小龍

又曰景德四年八月以待制杜鎬爲龍圖閣直學士詔班在

樞直之下少退待制在知誥之下並赴內殿起居由此爲內制此其始也

### 待制

唐永徽五年十二月五日詔許敬宗每日待制于武德殿此始有待制之名永泰元年三月一日勅裴冕等並集賢待制此始有待制之所然則蓋唐設官也

### 龍制

宋朝會要曰景德元年十月以杜鎬成綸充龍圖閣待制此其命官之初也或作咸平四年

### 直龍

又曰大中祥符九年十月以馮元爲太子中允直龍圖閣直閣之始也

天制

又曰天聖八年十月詔特置天章閣待制始用范諷為之龍圖天章寶文皆置學士直學士而天章學士罕以命人訖仁宗世纔王贄一人而已自後無聞也

天章侍講

又曰景祐四年三月詔以賈昌朝等為天章閣侍講以直龍圖閣此蓋設官之初也

寶文

英宗治平初以寶文閣藏仁宗御書御製即置寶文閣學士直學士及待制之官蓋始用邵必為學士也

樞直

職林曰五代朱梁太祖開平二年改樞密院為崇政院始置

直學士後唐復為樞密院亦曰樞密院學士宋朝會要曰後唐同光中置樞密直學士同光蓋莊宗時年號也蓋朱梁崇政院判官之職也

制記

唐百官志曰中書舍人六人以次者一人為閣老判本省雜事一人知制誥領進書開元初以它官掌詔勅冊命謂之知制誥宣宗時選用尚書郎蓋先是率用前行正郎宋朝自同諫武官以上恭用之官制改其事歸中書舍人又宋朝會要曰雍熙四年以知制誥范杲知京兆府以知制誥領外藩自杲始也續事始曰開元元年蘇頌王瑒為紫微侍郎知制誥自後以它官為翰林學士中書舍人皆稱制誥

直學士院

綱朝會要曰開寶元年中書李昉知制誥虛多避並直學士院蓋其始也又作二年十一月

直舍人院

又曰開寶九年十一月以張洎王克正直舍人院此其置職之始也

集賢學士

唐玄宗開元五年始置修書院于集仙殿即置學士貞後改集賢亦曰集賢學士通六曰開元五年十一月于乾元殿東廊寫四部書令馬懷素褚元量總其事十歲正殿改置為修書使十六年宴張說等于集仙殿改殿名集賢改修書使為集賢殿書院學士宋朝曰集賢院學士

修國史

唐會要曰自正觀中始置史館而著作罷史任至顯慶四年三月始詔劉仁執等修史長安二年劉允濟又稱修國史天祐二年五月二十九日勅史館修撰張策職名稍早不稱內庭宏重官稱兼修國史蓋太宗始置館雖有修史之官尚兼以修國史為名也高宗乃以命仁執等云鄴城舊事曰北齊神武時魏收自散騎常侍兼中書侍郎修國史

修撰

唐明皇開元八年始置修撰于集賢殿天寶後它官兼史職者亦曰史館修撰吳履厚青箱雜記曰太平興國中趙鄰幾等直史館掌修撰揚文舉為史館編修是時修撰未列于職至道中始以李若拙為史館修撰也

侍講



後漢張酺顯宗時數請于御前每侍講有敕正之辭帝常言  
酺侍講屢諫正及他傳往往有侍講禁內之文名蓋起于此  
也

侍讀

唐明皇開元三年七月初每讀史籍中有闕宜選耆儒博碩  
一人每日侍讀故馬懷素褚元量更日八直此侍讀之始也

直史館

唐會要曰正觀三年閏十二月移史館于門下省其休撰史  
事以他官兼領或品卑而有才者亦直焉此直史館之始也

直昭文

宋朝會要曰淳化元年八月二十五日以呂祐之等直昭文  
館先是但有直史館至是始命祐之等分直備三館職也談

苑曰淳化中復置直史館疑唐有是職也

直集賢

唐明皇開元十二年改麗正修書院為集賢院增置校理及  
直院宋朝會要曰淳化元年八月二十六日以和濛直集賢  
院集賢舊無直院惟江南李氏嘗以朝士任之至是始置從  
新置也談苑曰淳化中始置

直秘閣

宋朝會要曰端拱元年五月詔就崇文院中堂建秘閣是月  
以宋泌直秘閣此蓋置官之始也

校理

唐開元十二年增置集賢校理宋朝太宗端拱元年建秘閣  
即以杜鎬為秘閣校理此二官之始也青箱雜記曰端拱初

以李宗諤為集賢校理則本朝集賢校理自宗諤始也  
說書

宋朝會要曰景祐元年二月詔以賈昌朝等為宗政殿說書  
明道元年翰林侍講孫奭年老乞外辟上問誰可代充講官  
奭舉昌朝等至時始特置此職四年改為天章閣侍講慶曆  
二年以趙師民預講復為宗政殿說書

稱謂

筆談曰集賢院記云開元故事校書官許稱學士今三館貼  
職皆稱學士循唐典也宋朝神宗行官制祕書省官亦以學  
士為稱謂也

駙馬

駙馬都尉漢武帝元鼎二年初置掌駙馬駙馬非正駕車者

皆為副馬一曰附近也疾也通典袁樞議曰駙馬都尉置由  
漢武帝以假功臣戚屬齊職儀曰凡尚公主必拜駙馬都尉  
者自魏晉已來因為贈准蓋以王姬之重庶姓之輕若不加  
等級寧可合昏所以假之皇女也漢制以列侯尚公主而魏  
何晏始以主婿拜故後代循用為常制蓋自晏為始也唐韻  
曰晉尚公主者並加之也

事物紀原集類卷第四

二月二十六日校是日家山人來上家齋孫志來



州三